

## CROWTHER, JOHN NEWTON ('Glanceri'; 1847 - 1928), athro ysgol

**Enw:** John Newton Crowther  
**Ffugenw:** Glanceri  
**Dyddiad geni:** 1847  
**Dyddiad marw:** 1928  
**Priod:** Sarah Crowther (née Lloyd)  
**Plentyn:** Annie Horsfall Turner (née Crowther)  
**Rhiant:** Anne Crowther (née Pickulls)  
**Rhiant:** William Crowther  
**Rhyw:** Gwryw  
**Galwedigaeth:** athro ysgol  
**Maes gweithgaredd:** Addysg  
**Awdur:** Idwal Lewis

Ganwyd yn Cornholme, gerllaw Todmorden, 19 Tachwedd 1847, mab William Crowther ac Anne Pickulls. Addysgwyd ef yn ysgolion Cornholme a Todmorden a'r Coleg Normal, Bangor. Cyn cyrraedd ei 20 oed fe'i penodwyd yn brifathro ysgol Rhydlewis; Sir Aberteifi. Priododd, 19 Tachwedd 1869, Sarah Lloyd. Yn Rhydlewis y dysgodd siarad a darllen Cymraeg a'i galluogodd i nyddu penillion ar fro ei fabwysiad a bywyd a phobl yr ardal honno. Bu yn Rhydlewis am 23 mlynedd. Yn 1890 symudodd i Fethesda, Arfon, i fod yn brifathro ysgol y Cefnfaes. Wedi ymneilltuo o waith ysgol, symudodd i Gaerdydd, ac oddi yno i Solfach, Sir Benfro, lle y bu farw 14 Chwefror 1928; claddwyd ef ym mynwent Hawen ar lannau Ceri. Ymddiddorai mewn llenyddiaeth a cherddoriaeth, ac yn ychwanegol at ei waith fel bardd ysgrifennodd ddarnau o gerddoriaeth i gylchgronau Cymraeg, ac ymddangosai carol Nadolig o'i waith ef a'i gyfaill [L. J. Roberts](#), arolygydd ysgolion, yn gyson. Fel Rhyddfrydwr selog cymerodd ran amlwg yn etholiadau Sir Aberteifi, ac ysgrifennodd ganeuon poblogaidd ar gyfer etholiadau. Cyhoeddwyd detholiad o'i waith, *Ar Lannau Ceri*, yn 1930.

### Awdur

Idwal Lewis

### Ffynonellau

*The Welsh Gazette*, 16 Chwefror, 1928

*South Wales News*, 15 Chwefror, 1928

### Gweithiau

Archifau LIGC: [Y Tir i'r Bobl](#)

### Dolenni Ychwanegol

Wikidata: [Q20733573](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.